

مطبعه و محل اداره :

جنرال اوغلتنده امنيت
صندوقى جوارنده
شنگول يقوشنده
۲۲ نومرو

مستشرقان صراط مستقیم

۱۳۲۶

سلکمه موافق آثار
جدیدہ مع المنونہ
قبول اولنور

درج ابدلہ بن آثار اعادہ اولنور

دیر ، فلسفہ ، علوم ، حقوق ، ادبیات تاریخ ، سیاست نامہ و بالخاصہ احوال و مشورہ اسماء و در بحث ابرو و هفته درہ بر نشر اولنور .

صاحب و مؤسسری :

ابوالعلا زین العابدین - ح . اشرف ادیب
تاریخ تاسیسی

۱۰ تموز ۳۲۴

در سعادتده نسخہ سی ۵۰ پارہ در

قیرلہ دن مقوا بورو ایلہ کوندریلیرسہ سنوی
۲۰ غروش فضلہ آلنیر

آبونه بدلی

سنه لکی	التی آیانی	غروش
۶۵	۳۵	۳۵
۶۰	۳۰	۳۰
۱۷	۹	۹

ممالک عثمانیه ایچون
روسیه
سائر ممالک اجنبیه

عدد : ۱۶۴

۲۶ شوال ۱۳۲۹ پنجشنبه ۶ تشرین اول ۱۳۲۷

یدنجی جلد

قاریلری عزی ، قیزلری عزی موسقوف ضابطانک ، بولغار جانوارلری نیک...
کورمک ایستوریز ! یازیقدر ... یک یازیق !

بو شفاق و نفاقدن ، بو محاسن ددن ، بو مکبره و معاندهدن ،
بو مشاغبهدن ، بو مفصول و موصول النتائج قیاسات سو قراطیهدن
واز کچلم ! جبل متین الهی به ، قرآن حکیمه درت ال ایله ضاریلم !
اوروپادن قورقما یالم :

« یستخفون ، من الناس ولا یستخفون من الله وهو مهمم اللهدن
قورقلم اللهدن ... ! »

اللهدن قورقار ، اتحاد ایدرسهک بوتون دنیا بزدن قورقار . اونار
اسلامیتک نه دیمک اولدیغنی بیلیرلر . امت اسلامییه حق ، حقیقته
سلامته ارشاد ایدلم ! مسئولیتک اک بو بوکی علمایه در . باب فتوایه در .
المهم اشهد انی بری ! مما تفعلون ! وقت مرهوننده بر فتوای دیگرله
حکمی فسخ اولونمق اوزره خلافت محمدیه مقام اقدسنه طوغریبدن
طوغری به مربوط بوتون اهل ایمانه استطاعت مالیه و فعیالری نیک
اعداد قوته حصر و صرفی وجوب عاجلنه بر فتوی کافیدر . اللهم
اهدنا دارالسلام بحرمة اسمک السلام !

الای مفتیسی

محمد فخرالدین

دیر پیغمبری تاریخچه سی

مابعد :

بوصیراده مخدوم پیغمبری (ابراهیم بن محمد) حضرتلری هنوز
بر بو جوق یاشنده اولدینی حالده وفات ایتدی بی شفیق افندیغز
زیاده سیله متأثر اولدی . تصادفاً او کونده کونش طوتولدی .
مدینه اهالیسی ، بونی جناب ابراهیمک وفاته حمل ایتدی . فقط
ظنلری طرف رسالتدن تصحیح قیلیندی و « کونشاه آی جناب حقک
ایکی آتی یعنی اثر قدرتیدر کیمسه نیک حیات و مماتی ایچین
طوتولمازلر » بو یورولدی .

بوندن سوکرا یمنده (اسود عنسی) و یامدهده (مسیلمه) اسمنده
ایکی شارلاتان پیدا اولوب پیغمبرک دعواسنه قالقیدشدی . (نجران) لیلر
اسود عنسی به تابع اولدیلر ، برلکده کربوب صنعایی ضبط ایتدیلر .
صنعا والیسی (معاذ بن جبل) . مأموریتی ترکه مجبور اولدی و
(مأرب) هکیدوب اورا والیسی (ابو موسی الاشعری) ایلا (حضر موت) ه
چکیلدی .

دیگر طرفدن (بنی اسد) شیخی اولان (طلیحه بن خوبلد) ده
دعوی نبوتله ساده دلان عربانی اغفال و اضلاله باشلادی . افندیغز ،
اسود ایله مسیلمه نیک یاقینده تلف ایدیله چکنی وحی آلهیله انصحابنه
خبر و یردی و هر اوچینک حقندن کلیمه سی ایچین او امر لازمده
بولوندی .

« هجرتک اون برنجی یابنده شام ملحقا شدن (بلقا) اوزره رینه کونده ریلیمک

چیقارمق ایچین هیچ زحمت چکمیور . بزوتون اقتصاد ، بوتون
حیات قبولرینی آردینه قدر آچیشز ! بولغار بیله کوستندیل قومانوه
خطی الموق ، جگریزه پنجه سنی صوفق ایستیور . بغداد خطک
اچدیغنی سیاست قنرلری بر لوحه مصیبت اولوب قارشیمزه
دیگلمش !

الله عشقنه ! الله عشقه ! معرفندن ، فندن ، ثروتدن ، تجارتدن
هرشیدن محروم اولان بر ملت یاشامق حقنه نصل مالک اوله بیایر ؟
الله بزم خاطریمز ایچین قانون طبیعتی بوزسونده بزلی کویا مسلمانیمز
دیله استثنای ایتسین ؟ آه . . . ! بر انسان عالم اولوبده دینه ،
ملته خدمت ایدمه بیله چکنه ، دینک ، فلاکتیه بیله کانه قاله جغنه بر
چوبان ، بر صغیر تماج اولسی بیک قات خیرایدر .

هر ، که او بیدار تر پردر دتر

هر ، که او آگاه تر رخ زردتر

علم ؛ صیغه جیلندن ، مفصول و موصول النتائج قیاسادن عبارت
قالینجه ایشته بویله کیریده کیدر ، طرابلس ده کیر . یارین بالقانلر
وولقانلر قوصمغه ، سیالات مصائب آقیمغه باشلار ، روسلر قاره
دکزه سریمه و عاجلاً درت عدد درینتاوت یاپورلر .

بولار هیچ بزم ایچین می در ؟ هله ا کمال بوروسی چالینسین ، هله
بر کره دکزه ایندی رلسین ده اوزمان موسقوفک زه قارشی آلاچنی
وضعیت کوریلیر !

دلی پتونک آیا صوفیه قبه سی اوزرینه دیکدیگی کوز بر لحظه
اورادن آریلماز .

اوروپا ؛ طرابلس غربی ایتالیا به نیچون پیشکنس چکدی .

اتحاد اسلام

امل معزز و مقدسی ثوابیردک ، کومک ایچین ... ! بو ؛ صلیک
توحیده اک مدهش بر هجوم عقورانه سی ، بر صولات مفترسانه سیدر !
صوکرا حکومت عثمانیه نیک محوی ... ! دقت اولوندیغی ؟ ایتالیا
اولتیا تومننده بزلی طرابلس غربی اعمار ایتیمش اولمقنه انهام ایدیور .
ایشته بو بر انطاق حق در . « نیچین اعمار ایتدک ؟ » دیمک « نیچین
براً و بحرراً تقویه و تحکیم ایتدک ؟ » سوزنک مقدمه سیدر !

بز طرابلسه پروزهده قوتالی بر رفیلو بولوندی رمش ، سواحلده
مکمللاً تحکیم ایتمش اولایدیق ایتالیا بو حربه جرأت ایده مزدی ،
قالدی ، که سوریه بحر احمر سواحل ! قالدی ، که بصره کورفری !
یا دشمنن موصوعدن جدمه به یذوغه تعرض حرمین محترمیننه تجاوز
ایتسه ... !

حالا قونیه طریقله حجه کیتیمک ایستوروز ! او قدر غافلز ، که
حرامی فرض اعتقاد ایدرک حجج اوغرینه بتون وطن اسلامی
لواء الحمد محمدی ایله اعدای دینه ، دشمن قرآنه بر اقیوروز ! طقسان
اوج فلاکت جرینده طونه حوالیسندن چچازه کیدن بد بخنار کپی

اوزر، بر اوردو ترتیب اولونوب (اسامة بن زید) حضرت تریزک قومانداسنه تودیع ایدیلدی و سرداره سنجاقله برابر «بابانک شهید اولدینی یزه کیت، دشمنلری آتورد چیکنهت» امری ویریلدی. چونکه اولجه (کریک) بلده سنک قباله جهتنده و (مؤته) ده نیلان موقعه اهل اسلامک روملو متنصر عیبارله بر حربی وقوع بولاروق (زید بن حارثه) (جعفر طیار) (عبدالله بن رواحه) کبی اوج دکرلی وفداکار قوماندانله بر چوق صحابی شهید دوشمش مؤخر (خالد بن الولید) ک مهارت حربیه سی سایه سنده محاربه قازانیده شدی. اسامه پیغمبریدن تسلیم ایتدیکی سنجاغی - اسلامک ایلیک سنجاقلاری اولان - (بریده بن الحصیب) ه تسلیم ایلدی و مدینه خارجنده (جرف) نامنده کی محله اوردوسنی قوردی.

ابوبکر، عمر، سعید، ابو عبیده کبی کبار اصحابدن و عشره مبشره بولونان ذوات کرامده بواوردونک افرادندن ایدی رسول اکرم افندیز، اون برنجی سنه هجریه صفرینک صوکنده خسته لاندی. فقط راحتسزلغنه اهمیت ویرمه یه رک عسکرک تجهیزاته نظارت بویوردی بر ایکی کون صوکر علی بن ابی طالبه فضل بن عباس رضی الله عنهما سانک اوموزلرینه طوتونمش اولدینی حالده مسجد کلوب منبره چیقدی و اصحابنه وعظ و نصیحت ایدره رک قابالی بر صورتده حلالا لاشدی. بده منبردن اینوب حجره شریفه سنه کیردی.

خسته لاق کیتدکجه آرتیور، اصحاب کرامک تأثری ده تراید ایدیور، هر بری مسجد شریفک اطرافنده متألمانه دولاشیوردی، نبی رحیم افندیز، اصحابنک تسکین آلامی ایچین فراش اضطرابندن قالدی. اوکنده عمجه سی (عباس بن عبدالمطلب) قولتوقلرنده علی ایله فضل بولوناروق مسجد کلدی. و منبر ساداته چیقوب دیدارینه مشتاق اولانلره التفات بیوردی. هیچ بر پیغمبرک اتی ایچنده مؤبد قالدیغنی، ذات اقدس لرینک ده بالطبع مخلد اولامایا جغنی سوبله دی مهاجرین اولینه حرمت و رعایتده بولونمالرینی انصاره، انصاره دلطف و شفقتله معامله ایله مملرینی مهاجرینه توصیه ایتدی. داها بر چوق مواظ و نصایحدن صوکر منبردن اینوب حجره سنه کیردی. اذان او قوندقجه یا ناغندن داورانیور، مسجد کلوب جماعته نماز قیلدیر بیوردی فقط وقاته اوج کون قاله راحتسزلغنی آرتدیردینی جهته مسجد چیقانادی و ابوبکر نمازی قیلدیر سین اسیرینی ویردی حضرت ابوبکر داها پیغمبر حیاتنده ایکن امام اولوب اون یدی وقت نماز قیلدیردی. ربیع الاولک اون برنجی بازار کیجه سی یمنده کی اسود عنسینک صنعاده او یورکن طرف مسلمیندن قتل ایدیلدیکی و حیاً بیلدیر یلمه کله بونی اصحابنه تبشیر ایلدی.

بازار کونی خسته لای آرتدی. بازار ایرتسی صباحی براز آجلدی مسجدده صباح نمازی قیلدیرکن کلدی، ابوبکره اتباعاً ادای صلات ایتدی. نمازی متعاقب حجره سنه چکیلدی و آرتیق راحت درشکنه یاتدی. او کون اسامه حضور نبوی به کلوب عزیزیمی حقنده استیدان ایتدی.

افندیزده علی برکة الله کیت دیدی. کنج سردار، اوردو کاهه کیدوب حرکت ایتک اوزره ایکن رسول الله اغیرلاشدی. کریمه مکرمه سی فاطمه الزهرا رضی الله عنہا پی چاغیرتدی. فولاغنه «بن وقت ایده حکم» دیر. جناب زهرا آغلامایه باشلادی. صوکر «اهل بیتدن ک اول بکا ملاقی اولاجق سنسک» بویوردی. بو دفعه ده حضرت بتول سهویندی و کولدی.

اون برنجی سنه هجریه ربیع الاولک اون ایکنجی بازار ایرتسی کونی اوکله اوستی ارتحال پیغمبری وقوع بولدی. اهل بیتک فریادی وفات نبوی بی مدینه اهلینده طویوردی. هر کس دهشت آمیز بر حیرت استیلا ایتدی. حضرت علی اولدینی یرده طوکا قالدی، حضرت عثمانک تأثرندن دیلی طوتولدی، حضرت عمر، شایروب قلیجینی چکدی «هر کیم پیغمبر اولدی دیرسه قفاسنی کسرم» دییه هایقیرمایه باشلادی. حضرت ابوبکر، بالنسبه تمکیننی محافظه ایلدیرک حجره سعادت کیرد و جه رسالتو آچدی. آغلايه آغلايه اوبدکن صوکره اهل بته تسلی ویردی، بعده مسجد کلوب رسول الله افندیزک وفات ایتدیکنی، بونک ده پک طبیعی بر شی اولدینی سوبیلدی. «انک لمیت وانهم لمیتون» آیت کریمه سی او قودی. او وقت اصحاب کرام، فی الحقیقه رسول اکرمک آخرته کیتدیکنه ایناندی و کوزلردن طوفان تالم بوشاندی.

وفات پیغمبری بی خبر آلان اسامه، ید رسول الله دن تسلیم ایتدیکی لوای شریفی کتیروب حجره سعادت پیشکانه دیکدی. شو حالده بوتون بوتون تأثر و تحسری موجب اولدی.

عباس و علی حضرت ایله سائر اهل بیت کرام، پیغمبرک تجهیز و تکفینینه مشغول بولوندق لری صیراده انصار اسلام اولان مدینه اهلیندی تمشیت امور ایچون بر خلیفه انتخابه و (بنی ساعده) صفه سنده طویلا نوب مذاکره ایتیه قالدیشدی.

بوئلردن (خزرج) قبیله سنک رئیس (سید بن عباده) نک مقام خلافته بالتعیین کندیسنه بیعت ایدیلمه سی هان هان قرارلاشدینی صیراده ابوبکر، عمر، ابو عبیده حضرتلری محل اجتماعه یئتیشدی. جناب صدیق ایله حضرت فاروقک ایراد ایتدیکی نطقلر اوزرینه سعد بن عباده نک تعیینندن صرف نظر قیلناروق یار غار نبوی صدیق اکبر حضرتلری خلیفه انتخاب ایدلدی و اورا حقه کندیسنه بیعت اولوندی. کبار صحابه دن بعضیلری بر مدت متردد داورانیدلر سده بالاخره هبسی کاوب خلیفه رسول الله عرض بیعت ایلدیلر. رسول للهک زویه دفنی مناسب اولاجغنی حقنده تردد ایدیلدی. لکن حضرت خلیفه نک «الله تعالی بر پیغمبرک روحنی، دفن اولونما نی دیله دیکدی یرده قبض ایدر» ما لنده بر حدیث روایت ایله مه سی اوزه رینه جسد مقدسک، روح بر فدوحی قبض اولوندینی محله دفن ایدیلمه سنه قرار ویریلدی.

و حضرت عایشه به مخصوص اولان حجره سعادتک مدفن رسالت

اتخاذیه اولاً ارککلر ، مؤخرأ قادیلر جازه نمازینی قیلدوقن صکره کیجه وقتی تدفین اجرا قیلندی .
 اللهم صلی وسلم علیہ عدد لطفک واحسانک الیه .
 شوراسی خاطرده بولونمالیدر که رسول الله افندیمرک مدفون بولونداقری محل مبارکه (حجره سعادت) تمبیر ایدیایلر . روضه مطهرده نیلن موضع مقدس ایسه حجره سعادتله منبر نبوی ارسنده کی موقع محترمدر .

طاهر المولوی

« امیر عبدالرحمن خان »

آسیانک اورتالرنده و ۲۹ - ۳۶ عرض شمالی ایله ۵۸ - ۶۰ طول شرقی آراسنده شمالدن جنوبه طرغرو ۶۲۲ کیلومتره اکی ، شرقدن غربه طوغروده ۸۹۰ کیلو متره بوی بولنان بر خطه وسیعه وارددرکه افغانستان تسمه اولنور . صعبالمورور و صومنز چولار صواب و قارلی طاغزلره محدود و اوروبالیلرجه غیر قابل تسخیرلر حالیکدن معدود اولان بو منفرد قطعهده بر امارت اسلامیة فرمانفرما ، بر ترقی روز افزون اعتناءدرکه امیر افغان مرحوم (عبدالرحمن خان) ک زمان حکومتده ابتدا ایشدر .
 حال حیانتد اندامات پیغمبر پسندیلر تبعه سیله رهبر غیرت اولان امیر مغفور ، وفاتندن سوکراده وطنداشلیرنه بر مشوق مساعی بیرافقی ایسته مش افعال واقعه واقوال نافه سنی حاوی اولتی اوزره — کندی قلمیله — کندی تاریخنی یازمشدر .

افغان لسانیه محرر اولان بو تاریخی ، امیرک منشیلرندن بری انگلیزجه به ترجمه ایدرک لوندرده باصدیرمش ، انگلیزجه سندنده روسجه به نقل اولونارک نسخ مطبوعه سی ، وسقوف ضابطلرنه داغیدیلشدر . بعده انگلتره نك خراسانده کی قونسولوس معاونی (غلام مرتضی خان فندهاری) واسطه سیله فارسی به بالترجمه) تاریخ کتاب مستطاب حالات والا حضرت امیر عبدالرحمن خان) عنوان مطوعیله مشهده طبع اولمشدر .
 جلد اولی : حضرت امیرک زمان صباوتندن مسند نشین حکومت اولونجه به قدر کچیردیکی مشقتلی حیاتی همماتیلر اخلافنه - دستورالعمل اولارقی - انحاف ایله دیکی نصایغ آیزکلانی احتیو ایدن بو کتابی ، فاضل مکرم عبدالرشید ابراهیم افندی حضرت ناری ادیب محترم محمد عاکف بکه بالا عاره ترجمه سنی توصیه بویرهش . حضرت استاد ایسه - دها مهم آثار ایله اشتغال ایلکده اولماسنه بناء — بو خدمتک طرف عاجزانهمدن ایفاسنی تکلیف ایتدی .
 بنده مسلم اولان عجزمه ، خلوص یتمله غلبه چانی ایسته یه رک او کتابی ترکیه لشدیرمه به وخدمات مشکوره سیله حیات سیرمدی اکتساب ایش بولونان بر مسلمان حکمداری دینداشلمه طایقیاه قالیشدم .
 جناب حق موفقیات احسان بویررسه سنی ناچیزمله اهل اسلامه بلکه بر خدمتده بولنش اولورم .

طاهر المولوی

بسم الله الرحمن الرحيم

برنجی فصل

عن ۱۲۷۰ الی ۱۲۸۱ هجری

۹ یاشنده بولندیغ صیرالرده پدرم (۰) بی (کابل) دن (باغ) .

[۱] امیر محمد افضل خان بن امیر محمد دوست محمد خان بن پاشنده خان

دکوانی .

کیتیرندی . بابام ، باغ ایله مضاماناتک حاکمی اولوب بنم ورودمده (شهرغان) ک محاصره سیله مشغول ایدی . ایکی آی قدر بلخده کندیسنه مترقب قالدیم . بو مدت ظرفنده شهرغان تسخیر ایدیلوب بابام کری دوغمشدی ، استقبالی ایچین بلخدن ایکی بوچوق فرسخ قدر اوزاق بولونان (دشت امام) . کیندم . اوراده ملاقات پدرله قریرالین اولدم . اوده بی کورونجه سهویندی . برلکده بلخه کلک .

بر قاچ کون سوکرا درسه باشلادم . لکن اولدجه قالین قفالی ایدم : بوتون کون او قویوب یازمایه چالیشدیغ حالده بو کون ازبرله دیکم شیئی اونوتویوردیم . برده تدرسدن زیاده آته ینمه یه و آوه کیمه یه هوسکار ایدم . بو سبیلردن خواجهمک تدریس خصوصنده کوستردیکی مساعی بی سه د قالیوردی . آرادن بر سنه کینجه شهر خارچنده و (تخته پل) ده نیان موقعهده بنم ایچین باغلی ، باغچه لی بر مدرسه بنا ایدیلدی . بلخک هواسی وخیم و داخلی مقسی اولدیغندن پدرمده بزم مدرسه جوارنده بر سرای یایدردی . قیشالار ، تجار تخاهلر انشا ایتدیردی . آغاچلر دیکدیروب باغلر ، باغچه لریه تیشدیردی . اوج سنه ایچنده (تخته پل) نوین وسبزی بر شهر حالی آلدی .

دوردنجی بیلک بهارنده پدرم ، بیوک بابام (امیر دوست محمدخان) ی ایله کوروشمک اوزره کابله کیتدی . بی تورکستان حکومتته نائب بیراقدی . آلتی آی اجرای نیابت ایتدم . وهرکون اوکله به درت ساعت قالینجه به قدر درس او قومق ، سوکرا دیوانده او طوروب امور حکومتله مشغول اولتی ، اوندن سوکرا بر پارچه یاتوب او یومق بعدالمصرده آته ینوب اقشام قدر کزوب دولاشمقاه وقت کچیردم .

قیش ابتداسنده پدرمن آلدیغیم بر مکتوبده ، جدمک بی (تاشغرغان) حکومتته تعیین ایتدیکی تبش و ۱۰۰۰۰ سواری ۲۰۰۰ پیاده و ۶ طوپله درحال حرکت توصیه اولونویوردی . بر موجب توصیه همان یوله چیقدیم . تاشغرغانه وصولده (وزیر محمد اسمر خان) ک برادری (سردار محمد امین خان) (:) اورانک حکومتی بکا تفویض ایله رک کابله عزیمت ایتدی .

پدرم (حیدرخان) اسمنده برینی بکا نائب ومشاویر اولتی اوزره تعیین ایتمشدی . بو آدم : عاقل ، وقور ، محترم بر ذات اولدیغی کبی طبل و علم صاحبی و ۲۰۰ نفر سوارینک سرکرده سی ایدی ، پدری ده (محمدخان) نامنده بر کیمسه اولوب کابلک اشراف و اعیانندن صایلیردی .

تاشغرنده شو صورتله امرار حیات ایدیوردیم :

صباحدن اوکله به اوج ساعت قالینجه به قدر « درس ایله توغل .

[:] بولرک ایکسی ده امیر مغفورک عمجه سی اولدیغی کنابده مندرج شجره دن آ کلاشلور .